

續修崞縣志

序文職名凡例
輿圖
輿地志
卷一

光緒壬午重鐫

續修寧縣志

考院藏板

歲己卯攝代州篆

曾沅甫中

丞奏修山西通志檄各牧令增
補邑乘以備采擇時趙蔚堂大
令宰崞縣遵檄開局分門纂續
閱歲成編蓋崞邑山川明秀士
生其間多聰敏彬雅科第不絕

續修崞縣志

新序

一

文治夙為省北冠舊邑志修於
乾隆二十二年迄今百有餘載
所當增補者文獻足徵採訪搜
羅較他邑為易定草時蔚堂送
余校正求為敘之風塵鞅掌未
果也及龍小村太史調補是邑

重加刊訂付之手民以剗刷將
竣函索弁言因書數語以誌顛
末焉

皆

光緒八年歲次壬午仲春前署
代州直隸州會川杜崧年撰

己卯冬余刺代州承災後之後百
物廢墜當事者刻勵整新與民
更始檄行郡邑脩纂志乘蓋欲
以資攷證佐治理非徒以耀觀瞻
尚文飾也時趙偉堂明府方攝
導篆承檄纂輯未竟而去龍小

村明府踵成之凡崞之土宜民俗
田賦學校教大端有闕以教者
援古證今燦然具備而於崞山
之辨考據確鑿鑿視舊志為加詳
刊印成帙問序於余余維代之
州枕恒嶽之麓扼雁門之險為

晉西巖鎮民俗悍強風稱難
治其屬邑三而崞當其衝尤為
剽邑訟獄繁多甲於道省自
西細肆逞閭隴道梗饋饟調
旅絡繹於道借德之繁歲計
不貲地方有司疲於酬應民事

之責轉多闕略習俗之漸漓
報窮之不易未嘗不於此而致
慨也方今西陲者定隴右道道
晉疆少息勞肩而

大府深憫民艱剔除夙弊減免
差徭比年以來歲收又復較餘

災黎漸蘇民無重困官有餘閒
有志治理者得行容與鄉大夫
考志乘之所載察民俗之所宜
因其好惡權其寬猛挽救未佞
漸發上理盡吾心力以為之以期
無負所職而上慰

大府國治之深心其在斯乎余
願與小村明府共勉之是為序
時維

光緒八年歲在壬午重九

知代州直隸州事山陰俞彥三謹撰



夫邑之有志猶國之有史也崞邑為省北咽喉山河襟帶戶口殷繁號稱劇邑其不可無志也明矣前明萬厯年間邑令陸公會曾編輯其書略而弗詳疎而弗覈至

國朝乾隆二十一年邑令津門顧公弼增而修之依類分門徵文考獻其於

續修崞縣志

新序

六

大綱細目已無不粲然備具然自今溯之甲子已再周矣天下事莫為之前雖善弗彰莫為之後雖美弗傳邑志失修迄百餘年其間事勢變遷風俗移易暨夫碩德宿儒烈士貞媛無久而就湮之患光緒己卯余奉委來署斯邑適爵撫憲曾宮保修輯

通志飭令各州縣續修邑乘詳送以備采擇余以譾陋謬當斯舉曷克任勝乃羅致平鄉蔭階潘君肯堂總輯之併邀集同寅暨城鄉搢紳分纂之博搜遠稽闕疑徵信事增而文減體備而義嚴稿既竣囑余為序余勉為之以弁簡端後之有志斯文者越數十年恐軼事散失而相繼修輯焉則尤所厚望已

續修崞縣志

新序

七

光緒六年歲次庚辰署崞縣事天雄趙冠卿撰

物之有志所以昭一邑之掌故也官形
土者將以采風尚俗考古證今以資
有政舍志奚賴乎余於己卯冬奉
調宰崞邑時前宰趙君蔚堂方
有事於縣志延潘君蔭階主筆削
余聞而喜之謂一邑之掌故不難按
籍而稽矣迨持檄下車蔚堂却篆

去蔭階亦遷陽道山而志則甫就彙
而未付梓也因與邑紳重加釐訂亟
付手民剞劂既竣邑紳請序於余
余惟在國曰史在郡邑曰志周官邦
國之志小史掌之四方之志外史掌
之史典志名雖殊而其徵文考獻以
信今傳後則一也史家三長曰才學

後必也才為美才學為真學後為
卓後庶幾乎古之良史然後可語
於志矧嶂為晉北名區代南劇邑山
川之形據土田之膏腴民物之蕃滋
人文之薈萃舊志所載寔繁有徒
溯自乾隆丙子迄今百有餘年

名教澤涵濡風移俗易其間廢與張弛因

革損益月異而舉不同倘擇焉弗精
語焉弗詳匪失之遺即失之冗何以
信今而傳後乎蔭階此編目張而綱
舉體大而思精簡而不遺詳而不冗
使二百里疆域數千年軼事燦然
如數掌上螺紋紀其才為美才學
為真學後為卓後庶幾乎良史者

曷克疎此葦余於妙後固量尺寸之
功譬如為山九仞已來而僅覆一簣
如造浮圖七級已然而僅合其尖又
愧謫陋不文未克緣修飾淫色之
任惟賴諸邑紳區余不逮得藉手
以告厥成功抑何幸歟茲支採訪脩
輯之始經畫條理之宜則前序典例

續修嶧縣志

新序

十

文詳言之望俟余之贅述也

光緒八年歲次元默敦將日躔鶉尾
之次知嶧縣事桂林龍朝言序



舊志序一

代州書 敏進士

代屬崞縣去州西六十里其地爲省會邊塞往來之衝使令郵傳輪蹄如織財賦訟獄視他邑獨繁令於此者奔命疲於外吏治勞於內早夜擗擋不遑求其綜覽典故退食著書蓋綦難哉山陰萊峯邵君以幹濟才宰是邑庶事咸理嘗慨然於志乘之久缺乃於政治之暇搜討稽考起而修之卷帙終事用質於余余惟君爲是志詳明精覈紀敘備有史法而凡大綱

續修崞縣志

卷一

舊序

一

細目與百姓利病之故無不朗若列眉後來爲政者議事以制率由舊章觀覽焉而資之以從政而後乃可宜民善俗君之澤流於崞者固無窮盡哉余與君三年共事君之治狀已徧重於上官謂賢能之宰勿使一方偏受其福特疏調鳳臺而邑志適告成事夫以他人內外交瘁之地君乃得以其力從容著述俾百數年所未備者釐然具載於冊且會當謝事猶惓惓於此務有成書則君之有造地方而平日爲政不

誠有餘裕也耶君其行矣後之修志者譜其事而著
諸宦跡與往昔名賢先後濟美輝映簡策亦復何讓
余忝牧茲土削簡屬筆與有光焉是爲敘

續修崞縣志

卷一 舊序

二

舊志序二

知縣 邵豐鏃 山陰人

郡縣有志所以昭一方之文獻也崞偏近塞垣爲全晉襟喉山河環繞戶口殷繁號稱劇邑其可志者實多乾隆癸酉豐鏃承乏茲土簿書鞅掌日倥偬於徵發期會之間凡事有所可疑心有所難信欲稽典籍規法舊章輒患無由蓋崞志自明萬歷年邑令陸公曾有編輯雖其書尙存然略而弗詳疎而弗覈迄今且甲子再周中間絕無紀載昔之論者謂夏后康夷

續修崞縣志

卷一 舊序

三

之時周恭和之際數十年事簡書中缺上稽無所而諸葛孔明治蜀不立史官故國志之作蜀事獨略嗚呼豈不然哉今郡縣志之不可廢其猶夫國史也明矣官政之係民俗之存跡有賢遷事有宜適今昔所殊互先後所程依皆惟志乎託修舉或失任彼墜湮歲月愈更徒太息於徵說引覽而無據斯亦守土者責也鏃爲崞三年嘗驗其山川土風披圖經繙古籍自前明至今其間事勢移易政令弛張任官者去來

之多隸邑者良楛之異習尙變於閭里文質遞相盛衰舉莫得而觀也私念謬綰縣符爲政常拙無所裨於治以及其民惟邑乘爲書要不可廢語曰勉之勗之無後於時及今勿治將終蕪而莫釐也於是謀諸司諭輸次王君及邑士大夫期修厥役咸曰志之係乎崞者實大且多况久就廢脫茲事誠急乃遠稽博蒐闕疑徵信尤喜其搢紳先生與儒雅之士多所聞識好談掌故網羅訪採相共爲功由是百卅年所未

續修崞縣志

卷一 舊序

四

備者一朝悉具若夫體不欲其煩也則裁而整之文不欲其襲也則更而新之紀事加詳義例斯密撰錄已及者取衷惇信懿嘉未耀者發其幽潛旣而篇成而崞之故章文物呈英昭美緒比綸分固不敢謂此書之必傳而可久而一邑之文獻因是得昭焉自茲以往隨時紀錄以相繼於無窮乃無殘缺之憾屬稿甫竟將授剞劂會調任鳳臺不久去崞爰敘其事於簡端以備來者採擇云

舊志序三

知縣 顧 弼 天津人

歲乙亥余攝五臺篆接壤崞邑常以公事往來原平宏道間邑鎮也周覽風景宛然在目時萊峯爲宰是土治狀甚著余心慕之越明年秋七月萊峯移調鳳臺崞令缺

臺使疏請余蒞焉九月旣望始來受代萊峯臨去出所成邑志八卷投余蓋初脫稿而未刻者也其纂修條理紀載本末自序中詳言之余惟志之爲事非徒

續修崞縣志

卷一

舊序

五

文具而已江文通曰修史莫難於志良以都邑之簿山川之記人情風土之錄皆繫於斯簡則有遺繁則易雜事不核而誤辭不鍊而支卽晉乘之修也獨美董狐千古而下其誰繼哉萊峯此書義類詳明體裁精當仿之古作者復何多讓蓋其以經世鴻才爲石城令長優悠布政澤遍蒼黎著述特屬餘技顧參稽載筆三月成編自謂爲期也速惟恐搜討有弗周裁酌偶未協來不醅不備之譏於是將付剞劂復以屬

余若猶俟乎更定也者嗚呼呂覽淮南之作掇集眾
見積有歲月尙以龐雜褻詭貽誚大雅東萊索隱僅
以十日閉閣就厥大觀不速者不必工而工者不必
不速余以儒生領縣步武賢者之後擘畫規隨方愧
無能兩盛曾何敢於萊峯已竟之緒妄思續貂乎惟
是繙閱之餘重違其意雖三長之弗逮竊一得之堪
抒無事更張祇加釐訂爰召匠氏俾就厥刊而萊峯
之所已成而猶有待者今其可以流布而永傳夫一
續修崞縣志

卷一 舊序

六

邑之文獻所關非細余忝膺斯土得藉手以告成事
共襄盛舉有厚幸焉是爲序

續修崞縣志

纂修職名

總裁

特用知府署代州直隸州知州杜崧年

直隸靜海縣人字又坡道光己酉舉人

鹽運使銜花翎候補知府代州直隸州知州俞廉三

浙江山陰縣人字逸仙

總修

同知銜署崞縣知縣趙冠卿

直隸清豐縣人字蔚堂光緒丁丑進士

五品銜前翰林院庶吉士崞縣知縣龍朝言

廣西臨桂縣人字子敷光緒丙子進士

總纂

續修崞縣志

卷一 職名

一

特用直隸州前河南知縣山西陵川縣知縣潘肯堂

直隸平鄉縣人字蔭階同治壬戌舉人

協修

崞縣儒學教諭覃渭

交城縣人字印川貢生

崞縣儒學訓導周家儼

廣西人字朗如咸豐辛亥舉人

督刊

六品銜崞縣典史勾瑞春

山東歷城縣人字履堂

編輯

署陝西鳳翔府鳳翔縣漢中府鳳縣知縣宋志濂

字步周咸豐壬子進士

署太原府教授曾佩鞏

字辛峯咸豐戊午舉人

廩

貢樊善繼 字仲綿

廩

貢王名賢 字邁英

廩

貢侯秉璋 字玉章

廩

生樊瑞五 字轄卿

生

生張 榮 字臨甫

生

員賈 楹 字覺菴

生

員亢 炳 字午亭

生

員郭雲章

生

員蘭 誼 字正齋

續修崞縣志 卷一

職名

三

生

員胡 福 字介五

生

員劉淑孔

監

生蘭豐春 字臨園

監

生范師竹 字个卿

監

生楊毓芹 字紹亭

監

生田芝豫 字應軒

軍

功 六

品張明貞 字仲吉

從

九

品樊桂五 字秋芳

議

敘 九

品辛憲章 字子成

曹之楨

曾曰忠

繕書

分發山東試用知

縣孟晉瑛

字次修廩生公舉孝廉方正

廩

生趙鵬翔

字子展

廩

生王槐蔚

字蔭廬

生

員陳國楨

字幹卿

生

員賀隆

宋子琦

字文韓

續修崞縣志

卷一

職名

四

康濟民

范鳴琴

校字

五

寨

縣訓

導李蔚堂

字炳如

舉

人申際昌

字仲可光緒己卯科

繪圖

郭汝霖

字用卿

署內與事姓名

吏吏李成蹊

吏書李懋

戶吏冀煜

戶書張富國

禮吏邱輔義

禮書王兆麟

兵吏李戴霖

兵書王毓廉

刑吏張志榮

刑書趙效冉

工吏張鵬翼

工書張萃

倉房書樊作賓

門錦華

堂房書張翰

張騰霄

續修崞縣志

卷一

五

招房書莫芝昌

莫焯

戶總書張楫

張守義

承庫書張熹

石鑾

東庫書張如漢

鄭清泉

學書陳文翰

城守書識楊森

凡例

一 邑志自乾隆二十二年重修後迄今百二十餘年其間文獻缺如湮沒散佚者不知凡幾此次奉文纂修或訪諸故老或攷諸遺編務期廣收博採以免不純不備之譏惟事必覈實間有考據未確迹涉疑似者則仍從闕略不敢濫登

一 舊志名目標二十門先後分合不無顛倒錯亂此次編爲八志曰輿地曰建置曰典禮曰田賦曰職官曰選舉曰人物曰藝文以爲總綱而條目散見於其間

續修崞縣志

卷一

凡例

一

其他無可附者則載入志餘各以類從不相牽混庶覽者開卷瞭然

一 崞原在勾注陁北今渾源州地是也自晉劉琨以崞繁峙馬邑陰館之民徙陁南別立城邑乃爲今治舊志沿革內概行收入未免舛誤今爲改正又雁門十八隘舊志謂在崞境者七此次親行履勘惟軒岡口隸崞餘俱甯朔管轄因其爲崞邑要隘有關兵防載入形勢未始不可然地界究不可混

一 古蹟陵墓不可攷者則從闕疑然如北魏穆顛搏虎

處與寶太后陵盧魯元墓通志俱載入崞縣而舊志無採茲據通志補入後來或可訪其遺址其里俗所傳會者概削不錄

一典禮本屬通行似與志乘無關不知朝賀秩祀固屬鉅典卽賓興鄉飲鄉射亦關治化茲備載之以爲考禮之據

一舊志田賦一門務期簡便祇存大略茲則逐類分門自戶口土田以迄倉儲條分縷析徵引明備其豁免地糧歸併丁徭改食土鹽俱詳載年月以誌飲水思

續修崞縣志

卷一 凡例

二

源不忘創始之意

一都屯村莊營汛坊表蔭襲各則舊志均未紀載茲特一律採訪按門附入以昭美備

一職官有前代所設今已改易裁汰其見於書傳者則於現設各官後編爲歷朝官籍以存古制

一舊志選舉門內惟薦辟科目諸人則載之餘概不載惟思當今之世各途出身人員其生平政績可表見者亦不乏人若概置弗載未免湮沒人善此次修志凡已筮仕者無論如何登進均照官階附入選舉門

後其未登仕版僅以虛銜頂戴榮身者概不列載
一人物中名宦鄉賢忠孝節義業經奉

旨入祠者自應查照載列其未獲從祀而生平事蹟學問品行
節操實有可以維世勵俗者亦應廣爲搜羅分別立
傳然必沒世後方可採錄現存者概不載所謂蓋棺
論定也惟守節婦女年歲合例即可上邀

旌典自應循例記載間有年例未合而身已故並烈女守義殞
身者亦俱一律採載以闡幽光

一舊志藝文內差謬甚多因無從考證未便擅改至新
續修崞縣志

卷一 凡例

三

增藝文除

詔制


宸翰外亦必與邑事有關涉者方行採錄其前明陸志所收而
舊志未載者亦各依類列入補遺若夫風雲月露之
章縱極瑰麗概不登載

一崞臨邊塞自漢唐至明末多經兵革故事在焉上溯
古昔下迄

國初凡武事與邑有關者亦多採入以資考據

續修崞縣志

卷一輿圖



奇界村

南魏家莊

正陽山

白河

雲中河

唐林

西東常村

山金南懷化

山尖筆

南接忻州

界河舖

東南接定

襄界湯頭

神岩壑

曹家莊

麻港

北莊頭

底莊

興永

泥河

關子

下王莊

市板

東南賈

龍王堂

神原

神原

劉家莊

車水寮

曹家莊

沙壩

觀上

底莊

興永

泥河

關子

下王莊

市板

東南賈

龍王堂

神原

神原

劉家莊

黑水圪塔

曹家莊

沙壩

觀上

底莊

興永

泥河

關子

下王莊

市板

東南賈

龍王堂

神原

神原

劉家莊

曹家莊

曹家莊

沙壩

觀上

底莊

興永

泥河

關子

下王莊

市板

東南賈

龍王堂

神原

神原

劉家莊

盧家莊

曹家莊

沙壩

觀上

底莊

興永

泥河

關子

下王莊

市板

東南賈

龍王堂

神原

神原

劉家莊

大長溝

曹家莊

沙壩

觀上

底莊

興永

泥河

關子

下王莊

市板

東南賈

龍王堂

神原

神原

劉家莊

黑峪

曹家莊

沙壩

觀上

底莊

興永

泥河

關子

下王莊

市板

東南賈

龍王堂

神原

神原

劉家莊



正南
正東
東南
村莊圖


正西
正北
西北
村莊圖

續修崞縣志

卷一輿圖

四





續修寧縣志


縣城總圖


正北
東
村莊圖

卷一

輿圖

六







縣城圖

續修崞縣志

卷一 輿圖



增稷社 臺五小 閣北 堂濟普



縣署圖

續修崑縣志

卷一輿圖



八

續修淳縣志

卷一輿圖

十

文廟圖





武廟圖


續修嶧縣志

卷一輿圖

九

道冠古今






考院圖

續修寧縣志


卷一輿圖




續修崞縣志
書院圖

卷一 輿圖

十三






續修崞縣志

卷一 輿圖

昔

光緒八年歲次壬午入伏後五日邑人郭汝霖謹繪



續修崞縣志目錄

卷一

輿地志

星野占候 附躔度

沿革

疆域

都屯

村莊

山川

形勢

古蹟

陵墓

風俗

物產

卷二

建置志

城池街巷 附

學校

公署

倉庾

公所

續修崞縣志

卷一 目錄

營汛

驛站

壇廟寺觀 附

坊表

堡寨

橋梁

溝渠

卷三

典禮志

朝賀

秩祀木主位次祭品樂器 祭儀木吉尺寸

附

迎春鞭春 附

賓興

鄉飲

鄉射

講約

田賦志

戶口

土田

地糧

丁徭

起運

存留

歲支

耗羨

鹽課

稅課

倉儲

卷四

職官志

知縣

縣丞

教諭

訓導

典史

驛丞

把總

外委

歷朝官籍

選舉志

薦辟

進士

舉人

恩貢

拔貢

副貢

歲貢

優貢

孝廉方正科

武進士

武舉

封贈

廕襲

例仕

續修嶧縣志

卷一 目錄

二

卷五

人物志上

名宦

鄉賢

忠義

文武仕蹟

文學

孝友

卷六

人物志下

義行

耆善

隱逸

仙釋

僑寓

節婦

烈婦

烈女

貞女

賢母

賢婦

孝女

孝婦

待旌節婦

卷七

藝文志上

詔制

宸翰

疏

稟

文

記

說

銘

卷八

藝文志下

賦

詩

志餘

符瑞

變異

災荒

武事

逸事

續修博縣志

卷一 目錄

三

續修崞縣志卷一

輿地志



星野 占候躔度附

漢天文志晉之疆候辰星占參伐

馬融上日食封事參居兌位屬西方其為分野并州是也

唐天文志云觜觶參伐實沈也初畢七度終東井八度 按左

氏傳昭公元年子產曰后帝遷實沈於大夏主參又曰當武王邑姜方震太叔夢帝謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封太叔焉故參為晉星由是觀之則實沈參神也

續修崞縣志 卷一

輿地志 星野

一

明史天文分野云畢七度玉井八度實沈之次也山西之

太原府石忻代平定保德崞嵐六州

代州志云代冀州實沈之次申宮晉分參井分野參十度

半井三十四度井度不盡於晉半入陝太原屬參井之

交則代屬參分參六星西脚入玉井則西入玉井者正

代州星野之分度也 按崞隸代且相去不遠分野應

與代同前志謂入東井二十八度誤蓋東井玉井並非

一星也

占候附

參十度上爲五星日月中道甘氏曰參爲忠良孝謹之子
明大則臣忠子孝安吉一曰參伐一曰大辰一曰天市
一曰鈇鉞又爲天獄又主權衡所以平理也又主邊城
爲九譯故不欲其動也參白虎之體其中三星橫列三
將也東北曰左肩主左將西北曰右肩主右將東南曰
左足主後將軍西南曰右足主偏將軍故黃帝占參應
七將中央三小星曰伐天之都尉也又曰七將皆明天
下兵精也玉井四星在參西右下水象也屏二星在玉
井南屏爲屏風玉井東西四星曰軍井行軍之井也軍
星在屏東溷也天屎一星在厠南色黃則吉

躔度附

宋兩朝天文志參十星距中星西第一星去極九十二度
半 玉井四星距西北星去極九十八度少入畢宿十
一度半 天屏二星距南星去極一百一十五度入畢
宿十三度半 軍井四星距西南星去極一百五度半
入畢宿十四度 天厠四星距西北星去極一百一十
八度半入參宿二度 屏一星去極一百一十五度入

參宿二度半

步天歌玉井軍井厠各四星屏二星天屎一星俱屬參宿
晉志玉井在參左足武密書屬觜乾象新書屬畢軍井
晉志在玉井南武密亦屬觜乾象新書亦屬畢唐開元
游儀在玉井東南屏厠天屎晉志皆不載隋志屏在玉
井南開元游儀在觜隋志厠在屏東屎在厠南乾象新
書皆屬參與步天歌互有不合

沿革

崞縣在唐爲冀州域虞分冀北爲并州縣境隸焉歷夏及商俱如唐制周仍屬并州封建有無不可考戰國爲趙北鄙地秦初并天下爲三十六郡隸太原郡西漢爲太原郡原平縣地又置崞縣屬雁門郡以崞山爲名莽曰崞張非今縣境後漢原平改屬雁門郡建安末爲新興郡雲中縣地晉復置原平縣仍隸雁門郡永嘉後陞北地入代劉琨徙五縣民於陞南崞始居原平地樓煩陰館居廣武原平二縣境各立城邑而不置縣後魏永興

續修崞縣志

卷一

輿地志 沿革

四

二年置石城縣卽今治也其西有敷城始光中置郡真君時改縣二縣並屬肆州秀容郡其時原平北徙廣武西界其舊北境東西二平原又爲廣武縣地而南境之漢原平故城時則爲秀容縣地天平中置繁時郡屬恒州又置崞山縣隸焉在今縣南境東魏武定初置廓州北齊改北顯州寄治敷城之郭城又置武州北齊改北靈州治雁門川後並廢隋開皇十年自秀容移平寇縣於石城別於秀容置銅川縣卽今縣東南之銅川也大業二年並廢始改平寇曰崞縣隸雁門郡此今縣名崞

之始也唐爲中縣隸代州證聖元年析縣及五臺縣地置武延縣唐隆元年改爲唐林縣五代後梁開平二年析置白鹿縣唐同光初復爲唐林後晉改廣武尋復置白鹿縣宋平北漢廢唐林徙置州北入白鹿縣景德二年又省白鹿入崞縣崞爲下縣金仍屬代州後改爲崞山軍元初因之太宗中統十四年升崞州爲下州隸冀寧路明洪武二年改州爲縣八年隸太原府代州國朝因之雍正二年改隸代州直隸州

按舊志謂秦始置崞縣蓋以西南有山狀如崞高出雲

續修崞縣志

卷一

輿地志沿革

五

表故以爲名屬雁門郡漢因之後漢末廢晉復置崞縣仍屬雁門郡據五臺徐松龕中丞

繼畬

與武芝田觀察

訪疇

有書云崞縣原以山得名隋地里志唐元和志皆

載之然秦漢之崞縣繁時皆雁門郡地乃今之渾源州其地有崞山在州西北二十里漢以此山名縣後魏書太平真君二年葬惠太后於崞山水經注崞山縣右背崞山渾源州舊志有橫山在州西二十里南北橫亘如城郭故崞縣在其左卽故崞山云此漢地里郡國兩志之崞縣以崞山得名者也今之崞縣爲漢原平縣屬太

原至元魏分爲石城原平兩縣隋改爲崞縣唐又分爲崞縣唐林兩縣因而隋書地理志云崞縣有崞山元和志云縣因山爲名夫山川同名者多崞山原不妨有兩然渾源之崞山係兩漢所名今崞縣之崞山乃隋唐所名謂秦始皇置崞縣蓋以西南有山狀如崞者不知何據考晉懷帝時拓跋猗盧從劉琨求勾注陁北之地徙馬邑陰館樓煩崞繁時五縣之民於陁南更定城邑而陁南始有崞是秦漢以前陁北之崞與今縣固風馬牛不相及也舊志舛誤無疑

疆域

縣域東西廣一百九十五里南北袤九十五里

京師西南由雁門一千一百里 由平刑關八百二十里

太原省北二百六十里

代州西六十里

東至五臺縣界上莊村五十里 五臺縣治一百七十里

西至甯武府界狼窩村一百零五里 甯武府治一百一

十里

南至忻州界界河舖六十五里 忻州州治一百二十里

續修崞縣志

卷一

輿地志 疆域

七

北至代州界陽明堡四十里 代州州治六十里

東南至定襄縣界湯頭村七十里 定襄縣治一百一十

里

東北至代州界韓家灣七十里

西南至忻州界奇村九十里

西北至朔州界賈家窰一百一十里 朔州州治一百八

十里

都屯 都三十有七
屯二十有二

城關左都

城關右都

龍泉都

王董都

南廂上都

南廂下都

政化都

神默都

大南上都

白王中都

韓白都

崇信都

石林上都

石林中都

香仁都

南賈都

王就都

神原都

蘇林都

上封都

賈陀都

長樂都

崇仁都

唐林都

崇義都

陽武都

同樂都

大陽都

上王都

大吉都

庫興都

永興都

續修崞縣志

卷一

輿地志都屯

八

原石上都

原石下都

振武都

大常都

咸陽都

南陽屯

下社屯

北莊屯

南莊屯

桃園屯

城頭屯

懷化屯

郭下屯

下王屯

屯瓦屯

土嶺屯

黃松屯

白陽屯

項子屯

婁子屯

三龍屯

孫家屯

黑峪屯

原平屯

三堡屯

老窩屯

隔壁嶺屯

村莊

東鄉共五十一村

孫家莊 五里

安家莊 五里

東李家莊 五里

臨河村 七里

大陽村 十里

西頭村 十里

大狼溝村 十二里

南王就村 十五里

南坡村 十五里

南頭村 十五里

中莊村 十二里

上莊村 十五里

井溝村 十五里

中陽村 十五里

水溝村 十五里

郭家莊 二十里

東崧章村 二十里

蘇龍口 二十里

匙村 二十里

辛章村 二十里

史家岡 二十里

續修崞縣志 卷一

輿地志村莊

九

現峪村 二十里

石盆村 二十里

上神頭村 二十里

木廠村 二十里

練家岡 二十里

峙峪村 三十里

上封村 三十里

上長樂村 三十里

窰子上村 三十里

劉家莊 三十里

土溝村 三十里

白石村 三十里

賈莊村 三十里

西峪村 四十里

辛莊村 三十五里

東山野莊村 四十五里

令狐村 四十里

初寺村 四十里

章腔村 四十里

西新莊村 四十五里

亭子頭村 四十五里

張家莊 五十里

下莊村 五十里

大莫村 五十五里

檀莊村 五十里

龐莊村 五十五里

東南賈村 六十里

西南賈村 六十里 榮華村 六十里 蔡家岡 六十五里

西鄉共一百九十村

上王村 三里 下王村 三里 上王岡村 四里

卜家溝 四里 白村 七里 泊子村 七里

樊家莊 七里 北蘇魯村 七里 黃道村 十五里

黃牛村 十五里 任家溝 十五里 上連德村 十五里

下連德村 七里 連野莊 十里 下韓村 八里

下風窰村 十五里 上風窰村 二十里 上石寺村 十五里

天晃村 十五里 香煙村 二十里 寶成莊 二十里

續修崞縣志 卷一

輿地志村莊

十

西神頭村 二十里 土晃溝 二十里 田巨坪 二十里

磨兒腦村 二十里 下大林 十里 上大林 十五里

南大林 十五里 魏家莊 十五里 三吉村 二十里

賈陀村 二十里 上薛孤村 二十里 下申村 二十五里

上申村 三十里 南申村 三十里 施家野莊 三十里

大牛店 三十里 陽武村 三十里 陳趙野莊 三十里

大牛堡 三十里 石封村 三十里 前沙城村 三十里

上默都村 三十里 神山村 四十里 上陽武村 四十里

西會村 三十里 南神頭村 三十里 田家莊 三十里

朝霞峪 四十五里

上大牛村 四十里

小泉村 四十里

小泉坪 四十里

神山西營村 五十五里

獨松村 四十五里

李家村 二十里

沙峪村 五十里

沿長會村 五十五里

屯瓦村 六十里

荆芥村 六十里

文智村 九十里

盧家莊 六十里

上馬圈村 五十里

神樓子村 五十五里

下馬舖村 六十里

龍宮村 七十里

黃甲堡 七十五里

軒岡鎮 八十里

河家水 八十里

將軍墓 八十里

禿凜埡 八十里

劉家梁 八十五里

神堂灣 八十里

直壯溝 八十里

杆樹梁 八十里

腰子貝村 八十里

續修崞縣志 卷一

輿地志村莊

十一

西梁上 七十里

老底溝 七十里

直泥泉 七十里

段家堡 七十里

楊家圪埡 八十里

碗架板 七十里

東窰頭 六十里

白林池 七十里

南嶺村 六十里

蘆沙溝 六十里

漫坡村 六十里

青圪塔 六十里

白鳩川村 六十里

石奮溝 六十里

車道溝 六十里

麻黃塄 六十里

同家嶺 五十里

紅池村 五十里

王家莊子村 五十里

蘑菇店 五十里

尙家窰 五十里

馬家莊子村 五十里

蔡林封村 五十里

土壑村 五十里

南村 二十五里

杜家峪口 二十五里

雷家峪口 三十里

沙晃村 三十里

碾灣村 三十里

干溝村 三十里

柳溝村 三十里

平山梁 三十里

黑溝塆村 三十里

大道口子 三十里

黑峪村 四十里

苦汗村 四十里

官地村 四十里

石牆村 四十里

譚家莊 四十五里

梨井村 四十五里

賀家莊 四十五里

馬家莊 五十里

王家莊 五十里

新莊子村 五十里

孫家坪 五十里

峪道溝 五十里

磊壁村 五十里

黑澗村 三十里

暖套村 五十里

塌坡泉 九十里

道左村 九十里

立羊溝 九十里

大西溝 九十里

鐵桶溝 九十里

續修崞縣志 卷一

輿地志村莊

三

大張奇溝 九十里

几家山 九十里

青見梁 九十里

南埡村 九十里

三高阜村 九十里

焦家寨 九十里

神山堡 九十里

梁家溝 九十里

前坡村 九十里

炭窰溝 九十里

隔壁嶺 九十里

角川村 九十里

二郎堂 一百里

老窩村 一百里

四梁上村 一百里

後梁上 一百里

後口上 一百里

纏絲村 一百里

斗溝村 一百里

小安村 一百里

長畛村 一百里

馮家塆 一百里

北梁上 一百里

賈莊 一百里

于灣村 一百里

長梁上 一百里

土窰溝 一百里

吳家溝 一百里
大二溝 一百里
長梁溝 一百里

孤山村 一百里
黃草坡 一百里
羊圈溝 一百里

保全莊 一百里
糜子窰 一百里
車水窰 一百一十里

西嶺上 一百一十里
四郎堂 一百一十里
麻黃溝 一百一十里

東蠶食村 一百一十里
炭莊 一百一十里
北峪村 一百一十里

奇村 一百一十里
蒿頭嶺 一百一十里
化灘村 一百一十里

龍眼社村 一百一十里
白草窰 一百一十里
瓜草溝 一百一十里

忻州峪 一百二十里
西岔水 一百二十里
羊圈嶺 一百二十里

四窰村 一百二十里
黃嶺村 一百二十里
瓦窰溝 一百二十里

梁家莊窩 一百二十里
段家山 一百二十里
大梁上 一百二十里

西臺梁村 一百二十里
萬全莊 一百二十里
田家莊子 一百二十里

前河村 一百二十里

南鄉共八十三村

南窰上 二里
白彪村 五里
太平莊 五里

上合河村 七里
南陽店 十五里
南陽村 十五里

敬家莊 十五里
定風莊 十五里
北賈村 二十里

陽房村 二十里
下舍村 二十里
西鎮村 三十五里

文殊莊 三十五里
武延村 三十五里
磨頭村 三十五里

續修崞縣志 卷一

輿地志村莊

張村 三十五里

原平鎮 四十里

班村 四十里

雙嶺村 四十五里

毛家營 四十五里

庫狄村 四十五里

柳巷村 四十五里

小原平村 五十里

桃園村 五十里

北三泉村 五十里

平地泉村 五十里

上院村 五十五里

南岡村 五十里

北岡村 五十里

板市村 六十里

南郭下村 五十五里

北郭下村 五十五里

龍泉莊 六十里

下王莊 六十里

永興村 六十里

解村 六十里

于家溝 六十里

圪撥村 六十里

茹莊 六十里

王家莊 六十里

南懷化村 六十里

大龍門 六十里

續修崞縣志 卷一

輿地志村莊

西

練家莊 六十里

袁家莊 六十五里

觀上村 六十五里

上厓底村 六十五里

泥河村 六十五里

池上村 六十五里

關子村 六十五里

弓家莊 六十五里

楸峪村 七十里

南峪村 七十里

閣莊 七十里

南莊頭村 七十里

石河村 七十里

南下舍村 七十里

蘭村 七十里

衛村 七十里

北莊頭村 七十里

西莊村 七十里

下莊村 七十里

東常村 七十五里

常沙溝 七十五里

南大常村 七十五里

劉莊 八十里

神巖壑 八十里

唐林村 八十里

安家莊 八十里

沙壑村 八十里

白水村 八十里

蘆板寨 八十里

南魏家莊 八十五里

麻港村 八十五里

山水村 八十五里

串道村 八十五里

門簾村 九十里

南北岸村 九十里

白羊嶺村 九十五里

黑水圪垯 一百里

大王營 一百里

彭家塔 一百里

橙槽村 一百里

木口村 一百里

北鄉共四十五村

西橋

東橋村

白家灣 三里

大樂溝村 三里

圪塔村 四里

莊頭村 五里

曹家莊 五里

沙溝村 七里

劉家窰村 八里

續修崞縣志 卷一

輿地志村莊

五

鄭家營 十里

間家營 十五里

黃珥村 十五里

唐昌村 十五里

咸陽村 十五里

上王董村 二十里

沿溝村 二十里

丁家寨 二十里

郃村 二十里

陽賈村 二十里

王董堡 二十里

大河頭村 二十里

興隆寨 二十里

茹岳村 二十五里

大方村 二十五里

邵家寨 二十五里

班政舖 三十里

下班政村 三十里

龍王堂 三十里

皇家莊村 三十里

上政化村 三十里

下政化村 三十里

土屯寨 三十里

賀家窰 三十里

劉家窰 三十里

李家窰 三十里

南寨村 三十五里

麻地溝 三十五里 杏樹灣 三十五里 石槽村 三十五里

四岔窰 四十里 尹家窰 四十里 新莊子村 四十里

東底窰 四十里 炭峪村 四十里 山李家莊 四十里

東鄉銅川共七十一村

東岔村 六十里 西岔村 六十里 石地坪 六十里

峪裏村 六十五里 上莊村 七十里 灣里村 七十里

都莊村 七十里 老師村 七十里 薛家莊 七十里

棗西岡 七十五里 翟家寨 七十五里 康村 七十五里

棗坡村 七十五里 村西頭村 七十五里 城頭村 七十五里

續修崞縣志 卷一 輿地志村莊 六

閻莊 七十五里 中窰子村 七十五里 上社村 七十五里

劉家河底 八十里 王家東社 八十里 温家東社 八十里

朱家東社 八十里 西山底 八十里 東山底 八十里

東西合村 八十五里 上神原村 九十里 磨灣村 九十里

神前堡子村 九十里 西坪村 九十五里 北河底 一百里

鞏家岡 一百里 下神原村 一百里 下會村 一百里

橫院村 一百里 神後堡子村 一百里 溝北村 一百里

中原岡村 一百里 尚義村 一百里 東岡村 一百里

觀里村 一百里 北莊頭村 一百里 里城村 一百里

劉家岡 一百里 柏塔岡 一百里 密頭村 一百一十

南河底村 一百里 王家窑 一百一十 西頭莊村 一百一

寨裏村 一百里 新岸村 一百一十 南旺村 一百一十

山西村 一百一十 南窑村 一百一十 北窑村 一百一十

南窑上村 一百一十 柏塔寺 一百一十 清水溝村 一百一

神原岡村 一百一十 南莊村 一百一十 下西岡村 一百一

貴茹村 一百一十 西里城村 一百一十 西坡頭村 一百一

趙村 一百一十 南白村 一百二十 宏道鎮 一百二十

賈莊村 一百二十 南社村 一百二十 北社村 一百二十

黃鬼村 一百二十 平原東社 一百二十

續修崞縣志 卷一 輿地志 村落 七

山川

崞山

一名圍屏
又曰馬頭

在縣治西三十里連峯疊嶂翠色森鬱

縣以此山名為邑之主山舊志所謂八景之一曰崞山

疊翠上建秦蒙將軍廟勅封崞山大王山前三里許石

上有馬蹄痕相傳為蒙將軍遺蹟

按通志後魏高宗興安二年行幸崞山太

安三年敗於崞山

魁鼇峯

在崞山之麓俗名鬼兒坪

柏枝山

在縣治正西二十餘里山石紋類柏枝故名秦

太子扶蘇廟在焉知縣陸壽光有句云怪石深藏萬柏

續修崞縣志

卷一

輿地志 山川

六

文

鳳翼山

在縣治西八十里

轎頂山

在縣治西八十里山麓有玉皇龍神二廟下有

溫泉禱雨輒應

按鳳翼轎頂兩山並峙中為甯武通衢邊牆遺址在焉西有墩臺一座即雁門

十八隘之一
軒岡口是也

太子厓

在縣治西六十里相傳秦太子扶蘇駐軍於此

石城故址猶存

段家嶺

在縣治西一百一十餘里西界甯武

黃鬼山

在縣治西南七十里又名白鹿山俗呼牛羊嶺

地界甯化

石笏山 在縣治西南六十里黃嵬山之西

正陽山 在縣治西南九十里俗呼蓮峯山有古刹名玉泉寺南界忻州

烈女厓 在縣治西南五十里明要聚剛二女爲虜所獲義不受辱投厓而死後人卽以烈名其厓

滴水厓 在縣治西南六十五里懸厓數十丈一泓涓涓長滴可資灌注

前高山 在縣治西南五十里俗呼玉皇腦元好問嘗遊續修崞縣志 卷一 輿地志 山川 九 此吟詩前高觀建於其陽

五尖山 在縣治西南四十五里俗稱五臺之一在前高山前

朝霞峪 在縣治西南四十五里

詔山 在縣治西南五十五里屯瓦村山麓有福虎石知縣龔有融入其境以爲層巒聳翠不減巫山云

雙鳳臺 在縣治西南五十里

喬旨山 在縣治西南五十里有石羅漢洞

鳳臺山 在縣治西南四十五里石羅漢洞東南

白馬厓 在縣治西南七十里有泉灌注

溫泉山 在縣治西南七十里南莊頭村西北三里許上建五龍聖母廟又有松陽洞洞前有溫泉池遇旱禱雨輒應

金山 在縣治西南七十里懷化村上有六洞峯名曰筆架

六盤嶺 在縣治西南一百里

南坡嶺 在縣治西南一百二十里山上松蘿盤鬱蒼翠如畫

續修醇縣志

卷一

輿地志 山川

三

咸陽嶺 在縣治西北三十里一名弔橋嶺明設巡檢司今裁山上堡址猶存

官地山 在咸陽嶺西距縣治四十餘里山前爲官地村土田頗平敞緣山多炭窑遠近馱者絡繹不絕並產木炭以及粗瓷甕盎白瓷盃砂壺砂鍋砂盆鐵器販鬻四外

按縣屬西山北接代州南至軒岡口重巒峻嶺橫亘綿延產炭處極多炭之肥南不如北以故有南口北口之分北口者謂官地山以北也山田礮瘠居民依此爲生

計焉

虎頭山 在縣治西北四十里山麓有樓煩寺晉慧遠禪師削髮於此

白仁巖 在縣治西北四十里上有古刹殿宇參差隨山

高下四面蒼松環繞蔚然深秀巖隙有泉涓滴成泓汲多不涸汲少不溢稱為遊眺最佳之地按通志弋謙白仁巖寺記自茹

山西行五里抵崞其上有巖曰白仁巖有寺曰白仁巖禪寺實晉浮圖氏遠公之肇造也遠公焚修於此有說法臺石室定心棋盤等石又曰靈泉龍祠

五峯山 在縣治東二十五里五峯高聳松柏萬千蒼蔚

續修崞縣志 卷一 輿地志 山川 三

深秀分域而生移栽互植則不榮根巨末銳形類犀角俯臨滹沱似人俯首而卧舊志所謂地角枕流為縣八景之一也中峯聖母寺泉水出神象下禱雨輒應通志云天涯為天涯五峯為地角

長春山 在縣治東十五里大陽村東上有暖泉花草經冬不謝山故名曰長春

龍尖山 在縣治東六十里北接代州其石類珠色稍紫上有池遇旱鄉人禱之取水即雨

龍巖山 在縣治東三十五里

紫金山 在縣治東北三十五里趙武靈王廟在焉

天涯山 在縣治東南四十五里峭石壁立雪下隨消巖際有石形似鼓風吹石竅如聞鼓聲前建石鼓神祠舊志所謂天涯石鼓爲縣八景之一

蓮花山 在天涯之麓形似芙蓉土人名蓮花山

魁光嶺 在縣治東南六十五里舊名迴光嶺相傳五臺山起五色雲至此嶺止而復迴故名知縣靳廷鈺改名奎光嶺建石牌坊於上嶺東爲北銅川數十村地宜果木居民耕種之外首務栽植梨果販鬻四外每歲二三年續修崞縣志

卷一

輿地志 山川

三

月花開時嶺頭一望紅白相間燦若雲霞

文筆山 在縣治東南六十里南接定襄尖銳似筆形上有文筆大王廟

紅門山 在縣治東南六十里南抵定襄縣界

漆郎山 在縣治東南一百里南界定襄有豫讓祠相傳豫讓漆身來此因以名山後人立廟祀之

善護山 在縣治東南五十五里山上下俱建龍王廟

柏泉山 在縣治東南三十五里上建龍王廟神勅封崇濟侯

凭牛山 在縣治東南三十里上建水草大王廟神勅封
廣禪侯

白鶴山 在縣治東南七十五里上有顯聖靈祠

鳳凰山 在縣治東南一百二十里東界五臺縣石類鳳
毛及松紋可作硯按察司僉事李濂有崞硯銘

堯元山 在縣治東南一百里東界五臺縣上建堯廟有
天地二池冬夏不竭

龍尾山 在堯元山北十里許

馬鞍山 在龍尾山西前建龍宮聖母廟每歲伏日銅川

續修崞縣志

卷一

輿地志 山川

三

八十二村輪流跳社於此

福壽山 在縣治東南一百里下有溫泉灌溉田園冬月
漚麻所產之麻極佳人稱爲壽山麻

將軍山 在縣治東南八十里有韓厥廟故名廟前石上
馬蹄痕猶存

虎嶺山 在縣治東南八十里將軍山西有唐李太白廟
相傳虎牛相鬪有神人揮塵解散因於殿西左右塑虎
牛各一

明鏡山 在縣治東南五十里上建

關帝廟
菩薩

老師嶺 在縣治東南四十五里上建子孫聖母廟前有
甘露泉

東平堂山 在縣治東南六十里上建關帝廟廟前有古

檀井近村人於伏日跳社時預取此山神水並諸山神
水以供神

西平堂山 在縣治東南五十五里上建龍王廟廟右有
龍公泉取之不盡引之不流俗名神泉

玉屏山 在縣治東南六十里南郭下村南俗名平頂山
筆尖山 在縣治南七十五里俗名雙神嶺上建石塔南

續修崞縣志

卷一

輿地志 山川

五

界忻州

雙山 在縣治南四十里唐魏鄭公嘗屯兵於此上有寨
可避兵

滹沱河 源出繁峙縣秦戲山俗名孤山經代代州諸水
會之至清安堡入崞境自北而南歷匙村合板橋河歷
東西李家莊孫家莊共三十餘里至縣城東合南北橋
河至合河村合陽武河水益鉅歷辛章村上封村磨頭
村亭子頭村東營村雙山五十里至原平鎮正東之張
家莊歷庫狄村桃園村榮華村南北郭下村板市村合

沙河又五里至界河鋪蝦蟆石東折而出崞境入忻州定襄界

陽武河 源發縣治西南六十里陽武口內下馬圈村山根湧出大泉一小泉約百道東流五里至盧家莊地邇經沿長會沙峪等村十五里出口至上陽武村又五里至浮圖寺前為東西兩岸二十一村起水灌溉地畝處初分三大渠下游支渠無數其正流復行十餘里至上申村歷下申村賈陀村上下大林白彪村共二十五里至合河村入滹沱舊志八景之一所謂陽武流金者蓋續修崞縣志 卷一 輿地志 山川 三 以水利言也

雲中河 源發忻州北溝嶺俗名沙河

國朝順治十年忽衝徙北流乃由縣治西南七十五里唐林村入崞境自西南而東北三十餘里至板市村入滹沱灌溉南北懷化等村地畝

屯瓦河 源發縣治西南六十五里滴水厓舊志名後河由西北而東南三十里至關子村入雲中河灌溉觀上大常厓底等村地畝

乾龍河 源發縣治西南六十里龍門溝舊志名乾河自

西而東二十餘里至練家莊會雲中河入滹沱

南河 源發縣治西南七十里黃峴山由西而東四十餘里引灌劉莊田數十頃東流入雲中河

大牛河 源發縣治西南四十五里五尖山東流經大牛店等村會沙河入滹沱

平地泉村小河 源發縣治南五十里平地泉村北

神溝河 源發縣治南六十里圪塔村南兩崖峙立水出於千巖萬壑間岸傍多產藥草大寒時欸冬花多開水上

續修醇縣志 卷一 輿地志 山川 美

白馬河 源發縣治西南七十里白馬崖東流至唐林村

入雲中河

南橋河 即普濟橋 源出縣治西三里下王村南自西而東至

太平莊入滹沱引灌兩岸田園

北橋河 即來宣橋 源出縣治西十五里石寺村西自西北而

東南至城北轉而東入滹沱引灌石寺白村曹家莊圪塔等村民田

莊頭河 源發縣治西二十里香煙村西東流經石寺村沙河村劉家窩子村至莊頭村茶房廟北三里許入滹

沱

清水河 源發縣治西三十里大道口子門前東流至咸陽村復由唐昌村南至間家營汎地前又三里入溱沱
王董河 源發縣治西北二十里土屯寨經四岔窰邵村轉而東南至王董堡南門外又半里許至小營村東入溱沱
板橋河 源發縣治西北四十里白仁巖東南至邵家寨合龍泉經大方村至班政舖南又三里由下班政村南入溱沱

續修嶧縣志

卷一

輿地志 山川

七

蘇龍口河 源發縣治東四十里西峪村百泉寺底流數里卽伏至白石村復出至上長樂村又入地中至下長樂村復出至郭家莊又入地中至蘇龍口復出灌溉蘇龍口崧章匙村等村民田又三里入溱沱

銅河 源發縣治東南一百里福壽山自西北而東南經南北河底貴茹賈莊東南北三社諸村共三十里東入溱沱

小河 源發縣治東南六十里銅川上莊村經東社村會銅河入溱沱

鄭公泉 在縣治西北三十里邵家寨舊志名龍泉唐魏鄭公徵於此駐師禱天以劍插地泉水湧出三軍賴之泉左有魏鄭公祠其源有二北曰上龍泉南曰下龍泉流分三派合入板橋河

范公泉 在縣治西四里圪塔村南龍王廟前東流入北橋河

國朝知縣范印心有惠政人思不忘以嘗遊此故名今塞

白村泉 在縣治西七里白村流出爲大蒲灣渠灌溉本村稻田葦地東流入北橋河

續修崞縣志

卷一

輿地志 山川

三

甘露泉 在縣治西三十里崞山神廟左歲旱民置瓶池中禱之瓶上露滴卽雨其味甘冽

平地泉 在縣治南五十里平地泉村灌溉田園民獲其利

瀑布泉 在縣治西六十里屯瓦村西巖際有石宛然肖人足下出泉屯瓦河水繞其前舊志爲縣八景之一曰石人瀑布

神龍泉 在縣治南七十里城頭村灌溉本村稻田

三泉 在縣治南五十里三泉村迤邐東南十五里至板

市村東入滹沱相傳漢高祖駐師於此以鎗搨地者三泉水湧出以濟軍故名

溫泉 在縣治東南百里福壽山下引灌地畝兼可漚麻

神泉 在縣治南二十里北賈村東五里許

白龍泉 在縣治東南五十里張家莊北山上有聖母廟廟前有水池一十八處

躍龍池 在金聲玉振坊南道光二十二年知縣靳廷鈺濬週圍甃砌短垣東西二水口西通陽溝東通文昌廟前水渠城內水咸滙於此

續修崞縣志 卷一 輿地志 山川 三

陽溝 自玉泉寺今為關帝廟迤至景明門裏東轉入育賢坊

經崞陽書院至禮門前入躍龍池道光二十五年知縣張思鏜濬修

蟾酥池 在縣治西七里韓村之蟾酥寺前泉自地中湧出週圍五十餘步灌溉池東地畝昔產蟾酥今無

天龍池 在縣治東二十五里柏泉山上建天龍神廟

黑龍池 在縣治東南七十五里灣裏村崞山大王廟前相傳建廟時有黑龍起於池中故名

神池二 一在縣治東南三十里凭牛山廣禪侯廟前六

畜病者飲之即愈 一在縣治東南百里堯元山上遇
旱禱之即雨

白水 在縣治西南八十五里白水村崢山軍節度閻德
剛經畫略定境內休息頗與方外士周旋所居衛邸里

白水出焉 通志

形勢

崞三面臨邊通志云羣山四障沱水前滌原隰寬平城郭完固南鎮九原北枕雁門西控八口東環大河誠三關之襟帶亦全晉之藩籬唐武德中上問劉世讓以備邊策答曰突厥數南寇者恃有馬邑爲地耳如使勇將屯崞城厚儲金帛以招降者數出奇兵略城下踐禾稼不踰歲馬邑可圖也

隘口附

陽武峪 在縣治西南六十里兩山夾峙隘口湫流石棧

續修崞縣志

卷一

輿地志 形勢

三

中通危峯峭壁拔地參天儼然如華表之捍門內鎮陽武外距甯武偏關西南跨唐林東北抵雁門巍巍天險形勝之衝也通志崞縣有陽武石門之險秦太子扶蘇軍於此有太子厓唐大厯十三年代州都督張光晟擊敗回紇於陽武峪後唐清泰三年遼太宗由陽武峪入抵太原敗唐兵宋都巡檢使楊延昭守陽武峪驍勇善戰遼人憚之時部將孟良焦贊同守焉陽武峪有六郎寨左拾遺張齊賢疏自河東初下臣知忻州捕得遼納米典史皆云自山後轉盤以授河東以臣料遼能自備

軍食則於太原非不盡力然終爲我有者力不足也河東初平人心未固嵐縣忻代未有軍若入寇則田牧頓失擾邊則守備可虞及國家守要害增壁壘左控右扼疆事甚嚴恩信已行民心已定乃於雁門陽武峪來爭小利此其智力可料而知也明正德間崞縣閣倭自陽武峪抵甯武關沿山鑿石架橋正德間築堡設巡檢司今裁嘉靖二十年七月俺答由左衛豬兒窰入掠馬邑朔州遂入陽武峪抵太原郡國利病書吳甞撫晉疏是故敵由陽方入則陽武峪爲扼要之地

續修崞縣志

卷一

輿地志 形勢

三

盤道口

宋土
磴砦

在縣治西北七十五里內距南嶺二十里

外距朔州水窰村五里宋志崞有蘆板陽武石峽土磴四砦張耆言契丹雲應蔚朔四郡間遣人以文移至并代非觀邊虛實卽欲察識道路宜密諭代州自雲應蔚至者由大石口入自朔至者由土磴入餘間路塞之以示險雍熙三年十二月代州副部署盧漢贇敗契丹於土磴堡明正德十一年築夾柳樹堡都御史劉臬曰雁門平刑盤道梁爲扼寨由雁門東顧則平刑西顧則盤道梁介乎東者則水峪壺峪馬蘭茹越小石大石太安

軍食則於太原非不盡力然終爲我有者力不足也河東初平人心未固嵐縣忻代未有軍若入寇則田牧頓失擾邊則守備可虞及國家守要害增壁壘左控右扼疆事甚嚴恩信已行民心已定乃於雁門陽武峪來爭小利此其智力可料而知也明正德間崞縣閻俊自陽武峪抵甯武關沿山鑿石架橋正德間築堡設巡檢司今裁嘉靖二十年七月俺答由左衛豬兒窰入掠馬邑朔州遂入陽武峪抵太原郡國利病書吳牲撫晉疏是故敵由陽方入則陽武峪爲扼要之地

續修崞縣志

卷一

輿地志 形勢

三

盤道口

宋土
澄砦

在縣治西北七十五里內距南嶺二十里

外距朔州水窰村五里宋志崞有蘆板陽武石峽土澄四砦張耆言契丹雲應蔚朔四郡間遣人以文移至并代非觀邊虛實卽欲察識道路宜密諭代州自雲應蔚至者由大石口入自朔至者由土澄入餘間路塞之以示險雍熙三年十二月代州副部署盧漢贇敗契丹於土澄堡明正德十一年築夾柳樹堡都御史劉臬曰雁門平刑盤道梁爲扼寨由雁門東顧則平刑西顧則盤道梁介乎東者則水峪壺峪馬蘭茹越小石大石太安

團城凌雲葫蘆焉介乎西者則太和白草八岔小蓮夾柳燕水雕窩軒岡焉是所名十八隘也翁萬達疏自夾柳樹西界小西溝起東至水峪口鴉兒厓止爲垣十五里增添敵臺一百舖屋三百

雕窩口 在縣治西八十里內距漫坡村十里外距朔州薛家窰五里胡松答翟中丞書五寨堡遠距偏頭甯武二關幾可二百里許敵小至要不敵深至其域大舉則將自保不暇是亦無用之贅員也莫若移五寨守備於夾柳雕窩梁之間使守西隘八口

續修崞縣志

卷一

輿地志 形勢

三

燕兒水口 在縣治西北七十五里內距白鳩川二十里夾柳樹堡 在縣治西北七十五里內距東紅河十里外距朔州白泉十五里

蓮花口 在縣治西北八十里內距章奇溝十五里外距朔州東窰二十里明正德十一年築蓮花口西爲盤道梁界嘉靖二十年七月俺答由小蓮花口火燒溝入由山頂牛心寺宋家溝白鳩川廟嶺梁南下是月復由此口出牛心寺口北七十里宋家溝口西北六十五里白鳩川口西北五十五里廟嶺梁西三十五里王野梁口

北五十五里此與夾柳樹路相通明嘉靖後修內邊首及王野梁

八岔口 在縣治西北一百里內距老窩八里明正德十一年八月提督都御史李鉞經略關東西隘口各築堡置官守之八岔小蓮花於是創築堡焉

軒岡口 在縣治西南八十里北距後口上五里東距黃甲堡五里明正德間築堡有孟良城址存焉堡南十里有焦贊寨

按雁門十八隘舊志載入崞縣者七自盤道以下七口續修崞縣志

卷一

輿地志 形勢

蓋

是也查惟軒岡口隸崞餘如八岔蓮花盤道夾柳燕兒水雕窩六口俱屬朔管轄因與崞犬牙交錯且均係要路故仍載之

羅漢洞口 在縣治西三十里胡松答翟中丞書代朔崞峙之間土名魚兒川等處地頗曠衍截長補短方可數千頃許比緣四方亡命逋逃於此俱治有屋廬伏藏間謀至難詰禁又斬伐山木日相吞食宜擇爲衆所推者使爲保長總小甲以管轄之防秋則授之器甲令擺邊石佛口 在縣治西五十里北接朔州界元末用石壘寨

明因之南通廟嶺其西北有郎嶺關明洪武七年千戶
王原築

郎嶺口 在縣治西北四十里

蘆板口 在縣治西南六十里明時傳烽嶧縣由蘆板始
明設巡檢司今裁

弔橋嶺 在縣治北三十里上有秦王寨明設巡檢司後
移駐石嶺關隸陽曲縣

石匣口 在縣治西五十里

平山梁口 在縣治西北二十里

續修嶧縣志

卷一

輿地志 形勢

三

唐林岡 在縣治南五十五里南北通衢三關要道

古蹟

原平故城 古史考趙衰居原今原平縣漢志太原郡原平雁門郡崞註莽曰崞張後漢志雁門郡崞原平疆陰地形志肆州雁門郡原平註前漢屬太原後漢晉晉屬雁門有陰館城樓煩城廣武城龍淵神亞澤神雁門郡註秦置光武建武十五年罷二十七年復天興初隸司州太和十八年改隸肆州統原平廣武二縣恆州繁峙郡繁峙註二漢晉屬雁門後改屬廓州武定元年置治肆州敷城界郭城領郡三廣安郡永安郡建安郡晉武續修崞縣志

卷一

輿地志 古蹟

三

定元年置

原辨 趙衰守原在王屋山北温與陽樊在王屋山南然三日間風皆降不必壤相接也古史考趙衰居原在原平縣卽今代州崞縣按周穆王封造父於趙城晉獻公賜趙夙耿夙生衰世爲晉卿原守去耿遠而去趙城甚近後趙襄子無邨北滅代而并智氏強於韓魏列爲諸侯武靈王拓地至燕代西併雲中九原崞縣之原平或襄子以後追祀其祖非文公故封且霍太山以北文公時尙屬狄地未爲晉有至平公

敗狄於太原晉陽乃爲趙氏邑則原城在沁水爲核

見通志按原平故城在縣南四十里今爲鎮置驛舊城

外輒內土高三丈其北爲河所嚙乃塞東西門而橫

築之爲北城啟門焉故其表僅一里云康熙己酉知

縣稅常春重修爲崞適中之地賢遷者萃焉與宏道

軒岡爲邑之三鎮而此尤四達闐闐較密焉

雲中故城 在縣治西南七十里 通志六 漢獻帝建安二

十年僑置雲中縣魏永熙二年復爲雲中郡屬恆州領

延民雲陽二縣隋志雲中城東魏時僑置恆州尋廢有

續修崞縣志 卷一 輿地志 古蹟 三

無京山崞山土城山明正統四年改爲蘆板寨口堡設

巡檢司末年裁缺一名卻胡堡

樓煩故城 在縣治東十五里大陽都北魏志雁門郡原

平縣有樓煩城唐章懷太子曰故城在縣東北元魏主

如樓煩宮卽此杜佑亦曰崞縣東有樓煩城通典漢樓

煩郡波城在今縣東輿地要覽樓煩故城在今太原府

崞縣東十五里大陽都今有樓煩寺王鑰詩樓煩墮廢

惟荒邱黃沙射日風颼颼

石城卽今縣城 北魏志永興二年置石城縣

故廓州 隋志東魏置廓州有廣安永安建安三郡寄山城

故北顯州 隋志後齊廢郡改為北顯州後周廢郡即廓州三郡

懷化故城 在縣治西南六十里懷化村唐貞觀五年置

縣隸忻州十三年改隸代州遺址僅存城西北隅及北

土牆有花苑東陵風化樓故縣城隍神今供城頭村

唐林故城 在縣治南五十五里唐武氏證聖元年析五

臺崞二縣置武延縣景雲初改為唐林縣通志唐隆元年改為唐林

縣遺址尚存東西二百五十步南北三百二十步北據

續修崞縣志

卷一

輿地志 古蹟

三

唐林岡當山河之衝扼南北之要昔之置縣於此意深矣

白鹿故城 明一統志五代時梁析置宋省入崞縣通志

後梁改唐林為白鹿晉改廣武宋併入崞縣

故廓州 元志本崞縣太宗十四年升為州

石門關 唐書云石門關即今崞城也天福元年契丹主

破唐兵告敬瑭曰始吾自北來謂唐必斷雁門諸路註

雁門有東陁西陁之險崞有石門陽武之險

崞口 唐天寶十五載李萼乞師於顏真卿真卿與兵五

千仞所欲爲答曰朝廷遣程千里將精兵十萬出崞口
賊據險拒之不得前今當引兵先擊魏郡執其守將分
兵開崞口以出千里之師因討汲鄴以北至於幽陵
長城梁 在縣治西四十五里始於趙武靈王至秦始皇
更增築今遺址猶存

石匣口壁上刻人相傳秦始皇修邊火頭三千人

秦王寨 在縣治北三十里弔橋嶺

聖井 在縣治北三十里樓煩寺晉慧遠禪師爲邑民賈

氏子感井邊金芝之瑞而生後人因建聖井院

按蘇潛甫西遊

續修崞縣志

卷一

輿地志 古蹟

三

日記閻大參言遠公者代州樓煩人也公生時其家有井產金靈芝水忽甘美異常諸病者飲之輒愈公去廬山而井如故味不能甘而疾不能治矣土人思之而新其刹曰聖井院後改爲樓煩寺郡邑乘皆不載今爲置一主於其中唐人有詩曰空悲廬阜月不見雁門僧其證也

遠公說法臺 在縣治西北四十里白仁巖下有石室定
心棋枰石諸蹟

穆顛搏虎處 在崞山通志魏世祖田於崞山有虎突出
長樂侯穆顛搏而獲之世祖歎曰詩所謂有力如虎顛
乃過之 通志

旋鴻池 北魏和平三年二月癸酉太宗田於崞山觀漁

於旋鴻池 通志

楊六郎寨 在縣治西六十里陽武峪卽楊延昭駐兵處

孟良寨 在縣治西八十里軒岡口遺址尚存

焦贊寨 在軒岡口南十里良贊皆延昭部將

仙洞 在縣治北十里有三門洞中土堅色赤氣溫金王

樸嘗遊此一榻仙居三冬饒有春意舊志所謂仙洞藏

春爲縣中八景之一

此君軒 在縣治東南七十五里銅川上社村金毛瑞卿

有題郝子玉此君軒詩 按郝子玉名侯金翰林學士舊志云郝隆建者誤

續修崞縣志 卷一 輿地志 古蹟 罕

虛白軒 在縣治西神清觀後金行省員外郎王樸建

萬卷樓 在銅川金武伯英建

魏鄭公碑 在縣治南五十五里唐林岡南僅存碑額上

書大唐代州都督魏公紀功之頌 訪諸父老咸曰碑身有鎮守唐林等處大

將軍魏公神道碑十四字

崞山神匾 在縣治西二十五里崞山神廟內有金安陽

王尚書無競書崞山神三字爲河東廟額第一元遺山

刻石撰記

陵墓

秦

太子扶蘇墓 在縣治西南六十里太子厓其地草木旋

繞農不忍耕樵不忍採土人每歲春秋致祭按史記太子扶蘇死

於上郡在今陝西延綏地前志載此未知何據姑仍之以俟參考

晉

南蠻校尉參軍郝隆墓 在縣治東七十五里銅川上社

村

北魏

續修崞縣志

卷一

輿地志 陵墓

空

保母竇惠太后陵 在崞山北魏太平真君二年三月辛

卯葬惠太后於崞山從后意也別立后寢廟於崞山建

碑頌德名崞山廟通志

襄城孝王盧魯元墓 在崞山太平真君三年冬襄城孝

王盧魯元卒葬於崞山為建碑闕自魏興貴臣恩寵無

與為比通志

唐

侍中鄭國公諡文貞魏徵墓相傳在縣治南五十里西雲

村舊志云桃園村

宋

昭慶軍節度使太師致仕追封和王楊沂中墓 在縣治

東十五里南頭村西

金

行省員外郎王樸墓 在縣治北四里圪塔村

代州節度副使便宜行元帥府事高仲遷墓 在縣治西

三十里南申村

義士游完墓 在縣治西十五里大林村

元

續修崞縣志

卷一

輿地志 陵墓

三

太常寺奉禮郎趙惟賢墓 在縣治北十五里黃珥村有

神道碑

李元帥居禎墓 在縣治東七十里銅川都莊村碑存

祁元帥袞墓 在縣治東南七里合河村翁仲猶存

累官都督招討南征哈番張仲琮暨子南征行軍總管居

敬墓 在銅川大磽山麓翁仲猶存

張千戶居忠墓 在縣治東南六十里西南賈村千戶地

翁仲石獸猶存

定襄縣尹王克義墓 在縣治東七十五里銅川城頭村

三孝子王居敬居智居信墓 在縣治西四十里上大牛村

彭舜安墓 在縣治西四十里上陽武村壓師坡下

明

兵部侍郎劉寅墓 在縣治東三十里

戶部尚書梁璟墓 在縣治北十五里唐昌村東大學士

李東陽誌銘

御史賈頤墓 在縣治東三十里賈莊村西

陝西巡撫李楠墓 在縣治東一百里龍山

續修崞縣志 卷一 輿地志 陵墓 聖

孝子馬仲瓌墓 在縣治南五里白彪村北

國朝

漕運總督兼兵部尚書亢得時墓 在縣治北五里莊頭

村茶房廟西北

僉都御史李徽墓 在縣治東一百里堯元山

貴州都勻協鎮張佐武墓 在銅川大礮山麓

貴州都勻協鎮李慶春墓 在縣治南八十里閭莊

麻總兵墓 在縣治西六十里屯瓦村詔山之陽八角古

塔猶存

義僕胡成墓 在小西門外

金天聖母暢家祖塋 在縣治北三十里下班政村南

續修崞縣志

卷一

輿地志 陵墓

四

風俗

正月元旦夜起燃爆竹祭天地衆神祀祖畢長幼以次拜而後及於宗族鄉黨擇日奠於祖塋送祖也 初十日夜孩童植燈於牆角謂鼠娶婦 元宵鄉村稍有燈火城市則鰲山燈海秧歌社夥角抵之戲喧闐街巷親友過從遊觀焉 十六日出門遊百病 二十日於庭院中布灰爲窖中掇以麥謂之小添倉 二十五日布灰形如前中掇以穀謂之老添倉 二月二日以紅絲繫一錢或於大樹大石之根用灰圍繞作線並錢拖入室

續修崞縣志

卷一

輿地志 風俗

巽

中用一器蓋之名曰引錢龍 初三日各祭文昌師生肅拜 清明日祭掃先塋增土於墓 四月一日城關迎請各鄉龍王聖母等神祀於龍王宮以祈雨澤秋後送各神還 初八日各村多演戲迎神以祈年亦有合數十村衆縱演故事者仿角觥戲云 端陽日懸艾帶符飲雄黃酒食角黍兒童繫五色線 十三日祭關帝 六月六日麥已登親眷相往來名曰綴節 十三日城關迎神報社扮擡閣縱傘城關各演戲三日 十九日祭龍神 七月初二日祭柏枝山神 初五日祭崞

山神祭畢請神報賽者七村是月各村報賽者幾無虛日 十五日祭祖塋田中挂紙謂之掛黃錢 八月中秋夜以果餅祀月親友相問遺 九月九日祭城隍神飲茱萸酒食花糕 十月朔日以五色紙祭先塋日送寒衣 十二月初八日食臘八粥 二十三日祀竈以餽 除夕子孫環列祖父膝下終夜不去謂之守歲 終歲之中無侈費無淫樂蓋勤儉本唐俗云

崞俗務農業而少行商民貧土瘠水地特二十分之一餘地全賴雨澤尤患霜降之旱地寒不產棉花女

不曉織紡士習詩書頗知道化婚嫁各從其族類擇婿不責聘金相女不責粧奩喪祭閑於禮不作佛事 有不安分不量力者衆皆非之節儉相尚富者居室制稍宏厰貧者多安土室而負質剛勁尚氣輕生若紳士顧惜廉恥蚩愚頗知畏法有足多者且地近邊塞亦喜服習弓馬捷武闡者踵相接既當要害之衝此亦其要務也

物產

穀屬

穀 說文續也百穀之總名俗稱去糠為米可作粥者為穀種類不一

稷 爾雅粢稷也禮稷曰明粢許慎曰稷五穀之長俗呼為糜子

黍 古今注禾之黏者為黍土產有黃白赤黑數種俱可釀酒

稻 韻會有芒穀禮云稻曰嘉蔬爾雅異稻一名稂然有黏有不黏今人以黏為粳以不黏為杭土產有不黏一種

粱 篇海有紅黃白三種俗呼紅黃者為菱子白者為輦菱子亦曰高粱別一種名曰玉秫俗呼為玉菱子

大麥 爾雅大麥曰牟本草又名橫麥有連皮不連皮兩種爾雅異宜為飯又可為酢其蘗可為飴

小麥 爾雅小麥曰來秋種夏熟得四時之氣土產別有一種春種夏熟為春麥

續修崞縣志 卷一 輿地志物產 七

山麥 麥之別種也俗呼油麥市井作莜麥按莜田弔切無油音分夏秋兩種性寒宜山地別一種曰青稞宜飼

牲畜不堪人食

蕎麥 本草蕎麥莖弱而翹易長易收初伏下種不耐霜其外有苦蕎次於蕎麥亦堪食

大豆 卽蠶豆博雅菽也最宜炒食凡豆角曰菘菜曰藿莖曰萁

小豆 博雅荅也土產有赤白黑青諸種

菘豆 謝朓詩霜煎江南菘宜磨麩亦生芽食

黃豆 廣韻登也宜做豆腐並宜作醬生芽與菘豆俱堪當菜食芽卽古人所謂苜蓿也唐薛令之詩云盤中何

所有苜蓿長闌干指豆芽而言與飼牛馬者迥殊

黑豆 王禎農書大豆之黑者食之克飢可備凶年產有數種

豇豆 李時珍曰蔓生開花結莢兩兩並垂有習坎之義

豌豆 李時珍曰豌豆種出西域其苗柔弱宛宛故名菽中之先登者

扁豆 釋名沿籬豆宏景曰種之籬垣其莢蒸食甚美

胡麻 廣雅一名藤宏本草注角四稜者是元扈曰胡麻油渣可以糞田

蔬屬

蘑菇 本菌屬熱氣溼蒸而生土產無異味者

芥菜 禮內則秋用芥似菘而有毛

白菜 玉篇菘也南史周氏傳秋末晚菘土產有夏秋二種秋成者佳別種名回回白菜亦菘類

蘿蔔 爾雅哭蘆菔注宜作菔一名萊菔俗名蘿蔔有紅白色數種別一種水蘿蔔脆嫩若梨

續修崞縣志 卷一 輿地志物產 哭

山藥 有長圓二種長者即古薯蕷圓者為回回山藥山地多種之

擘藍 俗名苛蘭又名玉蔓菁實脆而甘

蔓菁 周禮天官醢人菁蒹菁蔓菁也一名蕪菁一名諸葛菜

蓮豆 有夏秋二種本菽類而可當菜食別一種名刀豆其形似

胡芹 芹之別種也北方無芹祇此一種

菠菜 玉篇謂為菠薐菜俗呼青菜

芫荽 張騫使西域得胡荽種歸俗呼小芫荽又曰香菜

蔥 味辛辣本草蔥從蔥外直中通有蔥通之象初生曰小蔥移栽曰鈎子蔥秋栽春發曰羊角蔥說文菜名李時珍曰韭叢生豐本長葉青翠可以根分可以子種其莖曰韭胎

蒜 爾雅翼大者為葫小者為蒜其莖亦謂之胎鱈嫩時可食較韭胎尤美以根為重伏前即收野生者為小蒜
辣角 說文辛甚曰辣有長圓二種

蒼蓮 陸清獻公靈壽志云南方謂之恭菜本草註恭通甜因其味微甜也

蕨菜 爾雅釋草名蕨鼈根如紫草莖青紫色初生似鼈腳

黃花菜 一名金針未開時形畢肖故名

地皮菜 似木耳雨後野生

滴溜子 通志作地笋俗呼滴溜子根生長二三寸許纍纍如貫珠醃作小菜佳

苣菜 有甜苦二種根與芽俱可食本草苦菜一名苦苣杜甫詩苦苣刺如針

瓜屬

續修崞縣志

卷一

輿地志物產

四

黃瓜 農政全書一名胡瓜

西瓜 五代史郃陽令胡嶠自契丹歸始得西瓜種又有香瓜甜瓜之類

倭瓜 煮粥佳獨食亦可又有南瓜番瓜扁瓜菜瓜之類

壺蘆 俗作葫蘆有數種土產有西壺蘆

瓠瓜 陸清獻公靈壽志南方謂之地蒲有長圓細腰數種瓜之別名也嫩時可食

茄子 本草一名落蘇農桑通訣曰隋煬帝改為崑崙瓜種出暹羅國有長圓二種

木瓜 與南產迥異實老即泐子黑而多色香味全無

果屬

核桃 即名物志之羌桃去皮食其仁

棗 小爾雅棘實謂之棗有長棗團棗牙

棗數種別一種曰酸棗小而野生 俗呼果子樹生二三尺時去其梢以結實樹之嫩枝接

棠 之樹成結實熟於夏曰甜果夏果熟於秋曰檳果小者 為楸子樹未接者結實為林檎

梨 爾雅釋木在山曰楸人植曰梨震亨曰梨者利也梨有 數種以鶯梨油梨為上品樹之接法與果子同亦北銅

川一帶 極多

李 爾雅翼木之多生 子者故字從木子

柰 說文果名有青白赤三 種本草釋名曰蘋婆果

桃 禮記仲春桃始華其實多毛北賈武延 一帶多種之出於解村一帶者大而美

杏 文獻通考杏多實不蟲來歲秋禾善土產實有大小子 分甜苦隨處皆有惟城東史家岡中陽一帶所出者實

續修崞縣志 卷一 輿地志物產 季

大而美桃杏兩種樹 亦如接果法實乃大

葡萄 漢書種出大宛張騫使西域得種以歸土產有熟較 早者曰夏葡萄皮薄而甜熟於中秋時者有紫而圓

長而名雞心者兩種別一種 曰白葡萄實長寸許可剖食

榛子 唐韻同棗左傳云女贄不過榛 栗棗修以告虔也山林多有之

紅姑娘 一名王母珠俗名紅梁梁囊作絳 黃色中空有子如紅珠可醫喉痛

花屬

牡丹 羣芳譜名曰洛陽花一名富貴花有紅黃紫白數種 李時珍曰牡丹以色丹者為上雖結子而根上苗生

故曰 牡丹

芍藥 李時珍曰芍藥猶婢約也婢約美好貌故以為名 爾雅翼言制食之毒莫良於芍故得藥名亦通

迎春 李時珍曰正月初開小花狀如瑞香花黃色不結實

長春 黃色開放不已故名俗呼金盞

木槿 禮月令木堇榮一名舜詩鄭風顏如舜華卽此

丁香 有紫白二種俗名紫荊

石榴 博雅若榴石榴也丹實垂垂若贅瘤也博物志張騫出使西域得此種以歸

玫瑰 俗呼刺梅有紅黃二色

蓮 古今注蓮有七種周茂叔曰蓮花之君子者也土產多盆種

菊 古作鞠說文鞠治蕘也郭註今之秋華菊種頗多土產又有六月菊洋菊金絲菊花開俱早

葵 羣芳譜葵菜也有紫莖白莖二種一名露葵一名滑菜古人種之爲常食土產與此迥異莖高花黃而大秋至

續修崞縣志 卷一 輿地志物產 五

始開說文葵衛也傾葉向日不令照其根別有一種名戎葵爾雅釋草葍戎葵註今蜀葵也又名淑氣花

玉簪 羣芳譜漢武帝寵李夫人取玉簪搔頭玉簪花之名取此一名白鶴仙

秋海棠 羣芳譜秋海棠一名八月春好陰惡日宜盆栽置南牆下

鳳仙 釋名性急子羣芳譜一名海薊花花開時頭翅羽足翹然如鳳故名可染指甲

雞冠 花史俗名波羅奢花碧雞漫志有一種名壽星雞冠或謂之後庭花羣芳譜有纓絡雞冠鴛鴦雞冠等名

牽牛 釋名黑丑李時珍曰白者爲白丑言其子也清晨花開日照卽合

薔薇 本草經一名牛棘花史許司馬呼爲玉雞苗

月季 羣芳譜一名勝春有紅白及淡紅三色又名月月紅

山丹 根卽百合李時珍曰百合之根以衆瓣合成也故名別一種曰捲丹花相似

萱 風土記花曰宜男姪婦佩之必生男俗呼為穿草花

米囊花 羣芳譜一名御米花色正紅重疊似芍藥

荷包牡丹 俗呼為布袋袋花皆取形似

石竹 莖葉似竹一名十姊妹一名洛陽花

榆梅 葉似榆一名串條紅

水蓼花 本草葑草水葑也與蓼同李長吉詩江圖畫水蓼

木屬

松 史記千載之松下有茯苓

柏 爾雅柏栲註一名栲六書精蘊陰木也木皆屬陽而柏向陰指西蓋木之有貞德者

續修崞縣志

卷一

輿地志 物產

五

椿 禹貢作杗左傳作楸說文作櫛皆一物也別有一種香椿葉嫩時可食

楸 美木也說文梓也韻會楸與梓本同末異若檜之柏葉松身

槐 春秋說題辭虛星之精木性堅可作車軸輻

檀 李時珍曰朱子云檀善木也其字從直以此直者善也

榆 本草集解二月生莢俗呼莢曰榆錢木性最堅

桑 釋名子曰椹典術云桑乃箕星之精方書稱桑之功最神在人資用尤多

楊 崔豹古今注白者葉圓青者葉長又本草枝硬而揚起

柳 本草枝弱而垂流色深青花白曰絮

杆 或作榧榧木也有紅白二種

草屬

龍鬚

爾雅釋草葷鼠莞疏葷莞草可
以為蓆一名鼠莞纖細似龍鬚

息雞

呼近及雞即漢書息雞草也縛帚極
佳爾雅苜蓿馬帚注似著可以為掃帚

掃帚草

爾雅苜蓿王帚註王帚似藜其
樹可為掃帚江東呼為落帚

狼莎

說文一
名侯莎

馬蘭

一作馬蘭花葉似
蘭而粗生甚茂

煙草

種自外國來
名為淡巴菰

苜蓿

本草苜蓿一名牧蓿謂其宿根自生可飼牧
牛馬也苗嫩時人亦可食張騫使西域得來

蒲

釋名蒲草也水草可以
為蓆西方人呼為莞

續修崑崙縣志

卷一

輿地志物產

五

葦

說文大葦也爾雅
葦蘼芳可以為蓆

蒿

爾雅藜之醜秋為蒿註春時各
有種名至秋老成通呼為蒿

藥屬

知母

釋名蜚母疏藥草
知母也葉如韭

麻黃

一名苦
椿菜

細辛

釋名小辛少辛頌曰華州真
細辛根細而味極辛故名

甘草

宏景曰此草最為衆藥之主
能解諸毒故有國老之號

半夏

李時珍曰禮月令五月半
夏生蓋當夏之半也故名

黃芩

釋名腐腸宏景曰圓者名子芩破
者名宿芩其腹中皆爛故名腐腸

益母草

爾雅萑萑注今茺蔚也詩中谷有萑注萑益母草

車前子

爾雅芣芣注今車前草大葉長穗多生道旁

石菖蒲

呂氏春秋云冬至後五十日菖始生菖蓋草之先生者

蒼朮

本草朮名山薊李時珍曰異術言朮者山之精也服之令人長生

枸杞

陸清獻公靈壽志枸杞二木名棘如枸之刺莖如杞之條故兼二名

黃耆

李時珍曰耆長也黃耆色黃為補藥之長故名

蒺藜

釋名茨宏景曰多生道上及牆上葉布地子有刺

蓖麻子

李時珍曰蓖亦作蠃蠃牛虱也其子有麻點故名蓖麻

蒲公英

按土宿本草云一名金簪草一名地丁花似金簪頭獨腳如丁故名

續修崞縣志

卷一

五

輿地志物產

欵冬花

爾雅菟奚類東注欵冬也

艾

釋名冰臺王安石字說云艾可又疾歷久而彌善故字從艾

鳥屬

雞

稽也能稽時也玉篇司晨鳥有野雞石雞等類

鴨

爾雅釋鳥舒鳧鶩禽經鴨鳴呶呶其鳴自呼鳧能高飛而鴨舒緩不能飛故曰舒鳧

燕

說文元鳥也爾雅釋鳥燕燕鳧

鴿

陸佃曰鴿性喜合凡鳥雄乘雌惟鴿雌乘雄逐月有子又名鶉鴿

鳩

禽經拙者莫如鳩不能為巢爾雅釋鳥鳩布穀也

鶯

格物論鶯黑眉尖觜脚青紅遍身甘草黃色羽及尾有黑毛相間三四月間鳴聲音圓滑名有倉庚搏黍等類

鷹 李時珍曰鷹以膺擊故曰鷹爾雅釋鳥鷹即鷩鳩也

雀 古今注雀一名家賓說文依人小鳥也從小佳讀與爵同

鸛 禽經鸛仰鳴則晴俯鳴則陰漢揚震傳有鸛雀銜三鱸魚置講堂

鷓 爾雅釋鳥鷓鷩老注呼為癡鳥即鷓類俗呼鷓老鷓

鷓鴣 正字通鷓尾特秃陸佃云鷓無常居而有常匹此鳥性純飛必附草行不越草故曰鷓

獸屬

馬 玉篇武獸也別錄以雲中馬為良

牛 說文大牲也曲禮牛曰一元大武元頭也武謂足跡也

羸 說文羸驢父馬母馱馱馬父驢母爾雅翼羸力在腰股有鎖骨故不能生

續修醇縣志 卷一 輿地志物產 五

驢 玉篇似馬長耳正字通驢長頰廣額修尾有褐白黑三色以午及五更初而鳴協漏刻

羊 火畜也董子云羊祥也故吉禮多用之

犬 埤雅有田犬吠犬食犬三種土產多吠犬

豕 說文曰彘爾雅豕子豬林氏小說云豕食不潔故謂之豕

貓 釋名家狸李時珍曰捕鼠小獸也目能定十二時格物論云虎

虎 山獸之長

豹 正字通豹狀似虎而小一名金錢豹一名艾葉豹又西域有金綫豹

狼 說文似犬銳頭白頂高前廣後

狐 埤雅性多疑其腋可為裘然不如塞外產者佳

兔 曲禮兔曰明視有

鹿 家兔野兔二種 字統鹿性驚防羣居分背而

獐 食環角向外以備人物之害 麋屬無角釋名麋李時珍

貍 曰秋冬居山春夏居澤 與獾同說文貉類 詩魏風有懸貍兮

蟲屬

蜂 爾雅有土蜂木蜂二種注土蜂一名馬蜂 今土蜂與馬蜂又異其採蜜者別為蜜蜂

蟻 爾雅作螳禮記作蟻俗 呼為馬蚍蜉小者蟻

蝶 說文本作蝶蛺蝶也俗作蝶玉篇蝴蝶古今 注蛺蝶一名野蛾一名風蝶江東呼為撻木

蝸牛 爾雅蝸贏蠖蝓註即蝸牛也疏按本草陶註 云生山中及人家頭形似蝸蝓但背負殼耳

續修崑山縣志 卷一

輿地志物產

五

蠹 即蠹也本草一名 主簿蟲一名杜白

蜘蛛 說文設一面之網物觸而後誅之爾雅有土草 蠶籠二種宏景曰懸網如魚罾者名曰蜘蛛

蟋蟀 爾雅注今促織也陸璣云似 蝗而小黑色有光澤如漆

蚱蜢 蟲之以翼鳴者兒童 喜籠養有蒼綠二種

蜻蜓 爾雅虹蜺一名 蜻蜓俗呼荷冠

鱗介屬

魚 種類極多宏景曰鯉為諸魚之長形既 可愛又能神變間亦釣取然無大者

鼈 說文甲蟲玉篇龜屬一名神守一名河 伯從事埤雅鼈穹脊連脊水居陸生

鰕 李時珍曰江湖出者大而色白溪池 出者小而色青土產纖細不堪食

蛇 毒蟲也西陽雜俎蛇有水草

蝦蟇 格物論云蛙蝦蟇也談乘云漢書元鼎五年蛙蝦蟇鬪可見是二物古今注蝦蟇子一名科斗一名懸針

貨屬

石炭 李時珍曰即烏金石上古以此書字謂之石墨今

藍炭 呼為煤炭塊大而堅者為炭細碎如沙者為煤

木炭 即燻炭又似焗炭俗作麩

石灰 禮月令草木黃落乃伐薪為炭

白土 日華釋名鍛石李時珍曰白土處處有之

鹽 李時珍曰鹽字象器中煎鹵之形管子曰煮海為鹽

續修崞縣志 卷一 輿地志物產

醃 本草補遺石鹼釋名灰鹼李時珍曰澣衣去垢發麩之物

醬 劉熙釋名云醬者將也能制食物之毒如將之平暴惡也

醋 釋名酢劉熙釋名云醋措也能措置食毒也說曰北人多為糟醋

油 膏也篇海云物有光也胡麻芥子為之可以燃燈

酒 李時珍曰按許氏說文云酒就也所以就人之善惡也

紙 東漢和帝時末陽蔡倫采樹皮魚網麻縑造紙天下乃通用之士產又有草紙以麥稽稻稽為之

蒙金石 物理論土精為玉石又石氣之核也此石層層如天皮畫工以之飾物

包金土 赤黃色亦堪飾物李時珍曰土以黃為正色

玉泉沙 可拭銅鐵器皿說文水散石也易曰需于沙



